

COMUNE DI QUARTU SANT'ELENA – QUARTU SANT'ALENI

Tzitade Metropolitana de Casteddu

Ordinàntzia n. 97 de su 11/11/2022

PROVEDIMENTU URGENTI CUNFORMA A S' ARTÌCULU 54 D. LGS. DE SU 18.08.2000, N. 267

SU SÌNDIGU

ASUBA SA PROPOSTA de su Dirigenti:

BIDA sa comunicatzioni de su Cumandu Provintziali de is Vìgilis Contrafogu de Casteddu, prìsia n° 83813 de su 13/10/2022, trasmìtia a segus de interventu n.8917/2022 fatu in s' immòbili chi s'agatat in Quartu Sant'Aleni – bia Vittorio Veneto ananti tzìvicu 58, chi ndi bessit a pillu sa situatzioni de degradu mannu chi cajonat perìgulu a sa seguresa pùblica.

DONAU ATU chi sa Squadra de is Vìgilis Contrafogu at provèdiu a serrai cun is transennas sa zona interessada.

DONAU ATU FINAS chi su Cumandu de Politzia Locali - cun relata tècnica pro. Net n.140420 de su 25/10/2022, at comunicau sa presèntzia de unu muru chi nd' est arruendi in s' immòbili tzensiu in catastu in su F° 31 mapali 202; - cun relata pro. Net n.142386 de su 30/10/2022, at comunicau chi “sa parti de is murus perimetralis chi nci funt sciorrochendi at interessau is mapalis 205 e 206” e no su mapali indicau in sa relata remonada; – cun sa pròpiu relata pro. Net n.142386/2022, at comunicau chi - sa meri de s' unitadi immobiliari tzensida in su catastu urbanu de custu comunu in su Follu 31 - mapali 205, est sa Sennora “omissis”, nàscia in “omissis” su “omissis” e residenti in “omissis” – bia “omissis”, C.F.: “omissis”; - po su mapali 206 no nc' arresurtant intestatàrius catastalis.

DONAU ATU, duncas, chi custu provedimentu tenit finas funtzioni de comunicatzioni, cunforma a sa lei n° 241/1990.

BIUS is articulus 18 e 66 de su Regulamentu Edilìtziu aprovau cun Delibera de su Consillu Comunali n° 9/2000.

BIU s' artìculu 29 de su Statutu Comunali aprovau cun Delibera de su Consillu Comunali n° 12/2001.

DONAU ATU chi tocat a protzedi cun provedimentu urgenti cunforma a s'artìculu 54 D. Lgs. De su 18.08.2000, n. 267.

CUMANDAT

a Sa Sennora - (C.F.:), in calidadi de meri de s' edifitziu de provedi luegus etotu a fai is traballus de manutentzioni cunforma a s' art. 18 de su Regulamentu Edilìtziu;

A s'acabu de is traballus po ponni in seguresa su stàbili bolit trasmitia una relata de parti de su tènicu abilitau; in s' in casu de inadempientzia sa sanzioni amministrativa andat de € 80,00 a € 480,00 cunforma a s'art. 7 bis de su D. Lgs. 267/2000;

COMUNICAT chi cunforma a s' Art. 3 comma 4 de sa lei de su 07 de austu 1990 n. 241, si podit presentai recursu a su T.A.R. contras a custa ordinàntzia, in cabu de 60 dies de sa publicatzioni o recursu desemprau a su Presidenti de sa Repùblica, in cabu de 120 diis de sa scadèntzia de is tèrminis de publicatzioni.